

Apersortittoqartillugu, akunnaallisoortoqartillugu, katittoqartillugu ataasiartumik immikkut matoqqasumik aaqqissuussinissamut imigassanik kimittuunik kimikittunillu neriniartarfinni, imerniartarfinni, akunnittarfinni il.il. ulluni sappaammiik sisamangornermut ullaassakkut nalunaaqqutaq 04.00 sassaalliinissamut qinnuteqartoqarsinnaanngornissaa anguniarlugu imigassamut inatsisimmut allannguutissamik saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. (Tassani ilaassapput ukiuni 25,ni, uiuni 50-ni katifissionerit il.il.) peqatigiiffiit nalliuttorsiorneri, siulersuisut ataatsimiinneri, Inatsisartunut qinersineq, kommunalbestyrelsinut qinersineq il.il (Inatsisartunut ilaasortaq Malene Vahl Rasmussen, Demokraterne)

Akissuteqaat

(Peqqissutsimut, Isumaginninnermut Inatsisinillu Atuutsitsinnermut Naalackersuisoq)

Aappassaanneerineq

Naalackersuisut Inuussutissarsiornermut, Aatsitassanut Ikummatissanullu Ataatsimiititaliaq immikkoortup suliarineqarneranut atatillugu sulisimaneranut qutsavigaat.

Naalackersuisut maluginiarpaat siunnersuutip akuerineqarnissaa ataatsimiititaliap isumaqatigiissutigalugu innersuussutigigaa.

Naalackersuisut ataatsimiititaliap innersuussutaa tusaatissatut tiguaat, aalajangiiffigisassatullu siunnersuut akuerineqassappat siunnersuut imigassaq pillugu inatsisartut inatsisaannik nr. 35-mik 23. novembari 2017-imeersumik allannguutissami ilanngukkumaarpaat.

Taamatut oqaaseqarlutik Naalackersuisut siunnersuut aappassaanneerineqarnissaanut tunniuppaat.